

Saincheisteanna dlí agus príomhargóintí

Thug an Ungáir nós imeachta um onnmhairí amhábhair agus táirgí foirgníochta isteach trí Fhoraithe Rialtais 402/2021 an 8 Iúil agus Cinneadh Rialtais 1459/2021 an 14 Iúil a ghlacadh, arb ionann é agus beart a bhfuil comhéifeacht aige le srian cainníochtúil de réir bhrí Airteagal 35 CFAE agus tá sé d'éifeacht aige bac a chur ar shaorghluaiseacht earraí, go háirithe onnmhairí go Ballstáit eile. Maidir leis na bearta náisiúnta lena gcuirtear bac ar thrádáil thrasteorann, níor léirigh an Ungáir go dtugtar údar leo le forais slándála poiblí nó ar an mbonn go bhfuil siad oiriúnach chun an chuspóir a shaothraítear a bhaint amach agus nach dtéitear thar an méid is gá leis an méid sin a bhaint amach leo. Ina theannta sin, ós rud é go mbaineann an Rialachán Rialtais atá faoi chonspóid le trádáil sheachtrach, is beart é a thagann faoi raon feidhme an chomhbheartais tráchtála, rud atá ina inniúlacht eisiach ag an Aontas. Ag an deireadh ar fad, ní dhearna an Ungáir de réir a ceanglais um thuairisciú faoin Treoir maidir le Trédhearcacht an Mhargaidh Aonair maidir leis an Dréacht-Fhoraithe Rialtais a thuairisciú agus rinne sí neamhaird den tréimhse neamhghníomhaíochta ar lena linn a raibh sí faoi oibleagáid dhocht staonadh ón bhForaithe Rialtais atá faoi chonspóid a ghlacadh.

An 23 Meán Fómhair 2021, thionscain an Coimisiún imeachtaí um shárú i gcoinne na hUngáire i ndáil le Foraithe Rialtais 402/2021 an 8 Iúil 2021 agus le Cinneadh Rialtais 1459/2021 an 14 Iúil 2021.

Agus é den tuairim go raibh an freagra ón Ungáir míshásúil, sheol an Coimisiún tuairim réasúnaithe chuig an Ungáir an 6 Aibreán 2022, arbh í an chéad chéim eile den nós imeachta um shárú.

Agus é míshásta le freagra na tuairime réasúnaithe, chinn an Coimisiún an cás a tharchur chuig an gCúirt Bhreithiúnais le dearbhú gur mhainnigh an Ungáir sna hoibleagáidí a chomhlíonadh atá uirthi faoi Airteagail 35, 36 agus 2(1) CFAE, i gcomhar le hAirteagal 3(1)(e) CFAE agus Airteagal 5(1) agus 6(1) de Threoir (AE) 2015/1535 ó Pharlaimint na hEorpa agus ón gComhairle an 9 Meán Fómhair 2015 lena leagtar síos nós imeachta chun faisnéis a sholáthar i réimse na Rialachán teicniúil agus na rialacha maidir le seirbhísí na Sochaí Faisnéise, trí nós imeachta um onnmhairí amhábhair agus táirgí foirgníochta a thabhairt isteach.

Ordú Uachtarán na Cúirte Breithiúnais an 21 Iúil 2023 (iarraidh ar réamhrialú ón Tribunalul Bihor – an Rómáin) – M.I.A., P.R.-M., V.-C.I.-C, F.C.R., P (T roimhe seo). Ș-B., D.R., P.E.E., F.I. v Tribunalul Cluj, Tribunalul Mureș, Tribunalul Hunedoara, Tribunalul Suceava, Tribunalul Galați, tríú páirtí: Consiliul National pentru Combaterea Discriminării

(Cás C-644/21 ⁽¹⁾, Tribunalul Cluj agus páirtithe eile)

(2023/C 329/21)

Teanga an cháis: an Rómáinis

D'ordaigh Uachtarán na Cúirte Breithiúnais an cás a bhaint ón gclár.

⁽¹⁾ IO C 95, an 28.2.2022.

Ordú Uachtarán na Cúirte Breithiúnais an 5 Iúil 2023 (iarraidh ar réamhrialú ón Landgericht München I – an Ghearmáin) – RSD Reise Service Deutschland GmbH v QL

(Cás C-690/21 ⁽¹⁾, RSD Reise Service Deutschland)

(2023/C 329/22)

Teanga an cháis: an Ghearmáinis

D'ordaigh Uachtarán na Cúirte Breithiúnais an cás a bhaint ón gclár.

⁽¹⁾ IO C 51, 31.1.2022.